
PWYLLGOR TRWYDDEDU CYFFREDINOL DYDD LLUN, 12 RHAGFYR 2016

Yn bresennol: Y Cynghorwyr, Annwen Daniels, Annwen Davies, Annwen Hughes (Cadeirydd) John Brynmor Hughes, Eryl Jones-Williams, Dilwyn Morgan, Angel Russell, Ann Williams, John Wyn Williams a R H Wyn Williams

Hefyd yn Bresennol: Gareth Jones (Uwch Reolwr Cynllunio ac Amgylchedd), Gwenan Mai Roberts (Rheolwr Trwyddedu), Geraint B Edwards (Cyfreithiwr) a Lowri Haf Evans (Swyddog Cefnogi Aelodau)

Croesawyd y Cynghorwyr Anwen Davies a Dilwyn Morgan i'r Pwyllgor

1. YMDDIHEURIADAU

Derbyniwyd ymddiheuriadau gan y Cynghorwyr Peter Read, Annwen Hughes, Louise Hughes, Tudor Owen a Elfed W. Williams

Adroddwyd bod y Cynghorydd Tudor Owen wedi derbyn llawdriniaeth yn ddiweddar a dymunwyd gwellhad buan iddo a phenderfynwyd anfon cerdyn iddo gan y Pwyllgor.

2. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

3. MATERION BRYD

Dim i'w nodi

4. COFNODION

Llofnododd y Cadeirydd gofnodion cyfarfod o'r pwyllgor a gynhaliwyd ar 20fed o Fehefin 2016 fel rhai cywir.

5. COFNODION IS-BWYLLGOR TRWYDDEDU CYFFREDINOL

Cyflwynwyd, er gwybodaeth, gofnodion cyfarfodydd o'r Is-bwyllgorau Trwyddedu Cyffredinol a gynhaliwyd 25.05.16, 04.10.16 a 19.10.16

6. TRWYDDEDU TACSIS A DEDDF MEWNFUDO 2016

Cyflwynwyd adroddiad y Pennaeth Gwasanaethau Rheoleiddio yn amlygu diwygiadau i'r Ddeddf Mewnfudo 2016 a oedd wedi dod i rym ar y 1af o Ragfyr 2016. Pwrpas y diwygiadau oedd sicrhau nad yw Awdurdodau Trwyddedu yn cyflwyno trwyddedau i fewnfudwyr anghyfreithlon ac yn cyflawni'r ddyletswydd yma drwy wiriadau mewnfudo.

Wrth ymhelaethu ar y cefndir nodwyd,

- Bod y Ddeddf yn diwygio cyfundrefnau trwyddedu presennol yn y DU i geisio atal gweithio anghyfreithlon yn y sector trwyddedu tacsis/cerbydau hurio preifat a cherbydau hacni.
- Bod y Ddeddf 2016 yn ymgorffori dulliau diogelu mewnfudiad yng nghyfundrefnau trwyddedu presennol yng nghyswllt Deddf Trwyddedu 2003 ar draws y DU, ond nid yw trefniadau ar gyfer y darpariaethau yma wedi'u cadarnhau

Tynnwyd sylw at effaith y mesurau newydd a oedd wedi eu rhestru yn yr adroddiad ynghyd â dyletswyddau'r Awdurdodau Trwyddedu i weithredu diwygiadau i'r Ddeddf.

Wrth ystyried goblygiadau gweithredu'r diwygiadau hyn, nodwyd bod pob deddfwriaeth newydd yn cyflwyno mwy o waith sydd fel arfer, yn gam arall mewn proses yn hytrach na gwaith o'r newydd. Eglurwyd, er bod Swyddogion Trwyddedu eisoes yn gwirio rhai o'r dogfennau sydd eu hangen dan Ddeddf Mewnfudo 2016, y byddai'r gofynion newydd yn golygu cynnal pob gwiriad ym mhresenoldeb yr ymgeisydd; gallai'r gwiriadau a cheisiadau cychwynnol gymryd mwy o amser i'w prosesu ynghyd a threfnu i swyddogion dderbyn hyfforddiant pellach ar adnabod dogfennau ffug. Gan mai camau ychwanegol sydd yn ymddangos i'r broses gwirio ceisiadau, anodd yw mesur y goblygiadau yn llawn ac efallai bydd darlun mwy eglur o'r sefyllfa ymhen 6 mis.

Mewn ymateb i gwestiwn ynglŷn â'r Ddeddfwriaeth yn dod i rym ar y 1af o Ragfyr, eglurwyd bod y canllawiau wedi eu derbyn ar ôl y dyddiad yma ac nad oedd fersiwn Gymraeg o'r canllawiau ar gael

Mewn ymateb i gwestiwn ynglŷn â rhannu'r wybodaeth gyda chwmnïau tacsï, nodwyd nad oedd newyddlen wedi ei dosbarthu ac felly derbyniwyd yr awgrym i greu taflen syml a dealladwy ar gyfer y cwmnïau tacsï fyddai yn amlinellu diwygiadau'r Ddeddf Mewnfudo 2016.

Derbyniwyd y wybodaeth

7. FFORDD GWYNEDD - YMARFER TRWYDDEDU

Cafwyd diweddariad ar lafar gan yr Uwch Reolwr Cynllunio ac Amgylchedd ar ymarferiadau'r gwasanaeth trwyddedu dros y 12 mis diwethaf i adolygu eu prosesau gwaith er mwyn sicrhau bod pobl Gwynedd yn ganolog i'r hyn sydd yn cael ei weithredu.

Nodwyd bod y broses yn rhoi cyfle i bawb gael mewnbwn i'r adolygiad gwasanaeth a bod y broses wedi adnabod cyfleoedd megis,

- Cysoni a rhesymoli polisiau trwyddedu tacsï
- Cyflwyno hunanwasanaeth
- Diddymu elfennau nad oes gwerth iddynt o fewn proses – angen creu proses llyfn

Camau nesaf yr ymarfer yw adnabod yr adnodd i wella a hwyluso

Materion yn codi o'r drafodaeth ddilynol;

- Angen sicrhau cysondeb ffioedd tacsï
- Angen diweddarau'r Pwyllgor yn aml o'r sefyllfa er mwyn sicrhau cefnogaeth i hwyluso'r broses ymlaen

Mewn ymateb i gwestiwn ynglŷn â hwyluso'r adolygiadau, nodwyd y byddai'r Adran yn edrych am gefnogaeth y Pwyllgor ynghyd a rhoi arweiniad i'r broses. Awgrymwyd sefydlu gweithgor i drafod yr adolygiadau a sicrhau mewnbwn.

Derbyniwyd y wybodaeth a diolchwyd i'r Adran am y gwaith.

Dechreuodd y cyfarfod am 10.00 y.b. a daeth i ben am 10.50 y.b.

CADEIRYDD